

卷七



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷七
 內容分類 史-政書 歷代通制
 索書號 貴重-17
 編號 B3510400

彩色首頁1

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿
少卿附

太常卿 丞奉禮郎主簿博士
太祝
兩京郊社署

太樂署 鼓吹署
太醫署
太公廟等署

光祿卿 丞良醞署主簿掌醢署
太官署
珍羞署

衛尉卿 丞守宮署主簿武庫署
馬令
武器署
左右都候

宗正卿 丞諸陵署主簿太廟署
崇玄署

太僕卿 丞典牧署主簿乘黃署
諸牧監
典廄署

大理卿 正司直丞評事監
獄丞

諸卿 附少卿

玉山郡貢玳瑁二具 鼈皮六十斤 翠毛三百

寧仁郡貢銀五十兩

懷澤郡貢細白紵布十端

龍城郡貢銀二十兩

同陵郡貢石斛二十小斤 銀二十兩

海豐郡貢五色藤鏡匣一具 蚶蜆膽三枚 甲

晉康郡貢銀二十兩

恩平郡貢銀二十兩

朱崖郡貢銀二十兩 真珠一斤 玳瑁一具

萬安郡貢銀二十兩

延德郡貢銀二十兩

杜氏通典六卷終

杜氏通典卷第七

食貨七 歷代盛衰戶口 丁中

歷代盛衰戶口周 漢 後漢 魏 晉 宋 齊 梁 陳 後魏 北齊 後周 隋 大唐

三皇以前尚矣靡可得而詳也孔子稱堯曰大哉舜

曰盡善禹曰無間以三聖之德地方不過數千里故

君臣歌德含氣之類各得其宜禹平水土為九州人

口千三百五十五萬二千九百二十三塗山之會諸

侯承唐虞之盛執玉帛者萬國男女耕織不奪其時

故公家有三十年之積私家有九年之儲及其衰也

棄稷不務續有二窮孔甲之亂遭桀行暴諸侯相兼

逮湯受命其能存者三千餘國方於塗山十損其七

其後紂作淫虐厚賦以實鹿臺大斂以積巨橋人庶
苦而無憐天下去之○周武王致商之罪罔有敵于
我師一戎衣天下大定垂拱而天下治定五等之封
凡千七百七十三國又滅湯時千三百國人衆之損
亦如之周公相成王致理刑措人口千三百七十萬
四千九百二十三此周之極盛也及昭王南征不還
穆王荒耄加以幽厲之亂平王東遷三十餘年莊王
十三年齊桓公二年五千里外非天子之御自太子
公侯以下至于庶人凡千一百八十四萬一千九百
二十三人其後諸侯相并尚有千二百國春秋二百
四十二年之中弑君三十六亡國五十二諸侯更相

征伐奔走不保社稷者不可勝數齊桓救其難孔子
定其文至于戰國存者十餘於是縱橫短長之說相
奪於殘人詐力之兵動以萬計伊闕之敗斬首二十
四萬長平之戰血流漂鹵周之列國唯秦楚燕而已
齊及三晉皆以篡亂衛雖得存不絕如綫音線然考蘇
張之說計秦及山東六國戎卒尚踰五百餘萬推人
口數尚當千餘萬秦兼諸侯所殺三分居一猶以餘
力北築長城四十餘萬南戍五嶺五十餘萬阿房驪
山七十萬三十年間百姓死沒相踵于路陳項又肆
其酷烈新安之坑二十餘萬彭城之戰睢水不流○
漢高帝定天下人之死傷亦數百萬是以平城之卒

不過三十餘萬方之六國十分無三孝文偃武脩文
與人休息嘗欲作露臺召工計之直百金曰百金中
人十家之產吾奉先帝宮室恐羞之乃止孝景承平
賦役減省三十而稅一人人自愛每有詔命頒下鄉
閭垂白戴老扶疾策杖以聽之思一見太平至武帝
元狩中六十餘年人衆大增太倉之粟紅腐而不食
都內之錢貫朽而不校孝武帝乘其資穡乃厲兵馬
以攘戎狄廓地遐廣征伐不休十數年間天下之衆
亦減半矣末年追悔故下哀痛之詔封丞相富民侯
昭宣之後罷戰務農戶口漸益元帝時貢禹上書曰古者宮女不過九人
秣馬不過八疋高祖孝文孝景皇帝修古節儉宮女
不過十餘廐馬不過百餘疋故時齊主服官輸物不

過十笥方今齊王服官作工各數千人歲費數鉅萬
蜀廣漢王金銀器歲各用五百萬三工官官費五千
萬織室亦然廐馬食粟將萬疋百至孝平元始二年

人戶千二百二十三萬三千口五千九百五十九萬
四千九百七十八此漢之極盛也及王莽篡位續以
更始赤眉之亂率土遺黎十纔二三○後漢光武建
武中兵革漸息至中元二年戶四百二十七萬六百
三十四口二千一百萬七千八百二十明章之後天
下無事務在養民至于孝和人戶滋殖桓帝永壽三
年戶千六十七萬九千九百六十口五千六百四十
八萬六千八百五十六靈帝遭黃巾爲寇獻帝遇董卓
卓稱亂大焚宮廟劫御西遷是以興平建安之際海

內荒殘人戶所存十無一二○魏武據中原劉備割巴蜀孫權盡有江東之地三國鼎立戰爭不息章武

元年有戶二十萬及平蜀得戶二十八萬口九十四萬男女口九十萬

萬帶甲將士十萬二千吏四萬通計戶九十四萬三

千四百二十三口五百二十七萬二千八百八十一

除平蜀所得當時魏氏唯有戶六十六萬三千四百

二十三口有四百四十三萬二千八百八十一孫權赤烏

五年有戶五十二萬○晉武帝太康元年平吳收其男女口二百三十萬

圖籍戶五十三萬吏三萬三千兵二十三萬男女口

二百三十萬後宮五千餘人九州攸同大抵編戶二

百四十五萬九千八百四口千六百一十六萬三千

八百六十三此晉之極盛也蜀劉禪炎興元年則魏常道鄉公景元四年歲

次癸未是歲魏滅蜀至晉武帝太康元年歲次庚子

凡一十八年戶增九十八萬六千三百八十一口增

八百四十九萬九千八百八十二則當三國鼎峙之時天

下通計戶百四十七萬三千四百三十三口七百六

十七萬二千八百八十一以奉三主斯以勤矣後趙

石勒據有河北初文武官上疏請依劉備在蜀魏王

在鄴故事魏王即曹公以河內魏汲等十二郡并前

趙國合二十四戶二十九萬為趙國前秦符堅滅前

燕慕容暉入鄴閱其民籍戶二百四十五萬八千九

百六十九口九千九百九十八萬七千九百三十五

徒關東豪傑及諸雜夷十萬口于關中平燕定蜀之

稱偽代之盛也時關隴清晏百姓豐樂自長安至于

諸路二十里一亭四十里一旅○宋武帝北取南燕

行者取給於途工商資販於道

平廣固南燕慕容超廣西滅後秦平關洛後秦姚弘長河

以南盡為宋有帝素節儉有司嘗奏東西堂施局脚

牀用銀塗釘帝以為費使用直脚床釘用鐵公主出

適遣送不過二十萬無錦繡金玉之費文帝勵精臨人江左數代帝王莫及所以稱元嘉之理比前漢之文景焉既而國富兵強更務經畧元嘉二十七年後魏主太武帝以數十萬衆南伐河上屯戍相次覆敗魏師至瓜步而還宋之財力自此衰耗今按本史孝武大明八年戶九十萬六千八百七十口四百六十八萬五千五百一〇齊氏六王年代短促其戶口未詳〇梁武之初亦稱為理及精華耗竭貪地邀功侯景逆亂竟以幽斃元帝慘虐骨肉相殘纔及三年便至覆滅墳籍亦同灰燼戶口不能詳究〇陳武帝荆州之西既非我有淮肥之內力不能加宣帝勤恤人



隱時稱令主閱其本史戶六十萬而末年窮兵黷武遠事經畧吳明徹全軍隻輪不返銳卒利器從此殲焉至後主滅亡之時隋家所收戶五十萬口二百萬〇後魏起自陰山盡有中夏孝文遷都河洛定禮崇儒明帝正光以前時惟全盛戶口之數比夫晉太康倍而餘矣按晉武帝太康元年平吳後大凡戶二百三十八萬六千三百餘人今云倍而餘者是其盛時則戶有至五百餘萬矣及爾朱之亂政移臣下或廢或立甚於奕碁遂分爲東西二國皆權臣擅命戰爭不息人戶流離官司文簿又多散棄今按舊史戶三百三十七萬五千三百六十八其時以戰爭不息唯河北三數大郡多千戶以下復通新附之郡小者戶纔二十口百而已北齊承魏末喪

亂與周人抗衡雖開拓淮南而郡縣褊小文宣受禪性多暴虐而能委政宰輔楊遵彥十數年間亦稱為理故其時以為主昏於上政清於下及武成後主俱是僻王至崇國諱改之化二年為周師所滅有戶三百三萬二千五百二十八口二千萬六千八百八十○後周閔明二帝主祭而已俱以弑崩武帝誅戮權臣諱護方覽庶政躬儉節用考覈名實五六年內平蕩燕齊滅高嗣子昏虐亡不旋踵按大象中有戶三百五十九萬口九百萬九千六百四○隋文帝始以外戚遂受託孤不踰數年便享大位克勤理道克儉資費至於六宮之內常服浣濯之衣供御故敝隨令補用

非燕享所食不過一肉有司嘗進乾薑用布袋盛帝以為費大加譴責後進香藥復以氈袋盛因答所司以為後誠其時宇內稱理倉庫盈溢至開皇九年平陳帝親於朱雀門勞師行賞自門外列布帛之積圍於南郭以次頒給所費三百餘萬段而不加賦於人煬帝大業二年戶八百九十萬七千五百三十六口四千六百一萬九千九百五十六此隋之極盛也後周靜帝未授隋禪有戶三百九十九萬九千八百四至開皇九年平陳得戶五十萬及是纔二十六年七年直增四百八十一萬七千九百三十二承其全實遂恣荒淫登極之初即建洛邑每月役丁二百萬人導洛至河及淮又引沁水達河北通涿郡築長城東西千餘里皆徵百萬餘

人丁男不克以婦人兼役而死者太半及親征吐谷
渾駐軍青海遇雨雪士卒死者十二三又三駕東征
遼澤皆興百餘萬衆餽運者倍之又逆征數年之賦
窮侈極奢舉天下之人十分九爲盜賊身喪國滅實
自取之蓋資我唐之速有天下也○大唐貞觀戶不
滿三百萬二年戶部奏中國人因塞外來歸及突厥
前後降附開四夷爲州縣獲男女一百二十餘萬口
十四年侯君集破高昌得三郡五縣二十二城戶八
千四十六口萬七千三十一馬千三百疋永徽元年
戶部尚書高履行奏去年進戶一十五萬高宗以天
下進戶旣多謂無忌曰比來國家無事戶口稍多三

二十年足堪殷實因問隋有幾戶今有幾戶履行奏

隋大業中戶八百七十萬今戶三百八十萬永徽去大業末

三十顯慶二年十月上幸許汝州問中書令杜正倫

曰此間田地極寬百姓太少因又問隋有幾戶正倫

奏大業初有八百餘萬戶末年離亂至武德有二百

餘萬戶總章元年十月司空李勣破高麗國虜其王

下城百七十戶六十九萬七千二百配江淮以南山

南京西初自貞觀以後太宗勵精爲理至八年九年

頻至豐稔米斗四五錢馬牛布野外戶動則數月不

閉至十五年米每斗直兩錢麟德二年米每斗直五

文永淳元年京師大雨飢荒米每斗四百錢加以疾

疫死者甚衆武太后孝和朝太平公主武三思悖逆
庶人恣情奢縱造罔極寺太平觀香山寺昭成寺遂
使農工虛費府庫空竭矣睿宗景雲初又造金仙玉
貞二觀補闕辛替否上書極諫不從二年監察御史
韓琬陳時政上疏曰臣竊聞永淳之初尹元貞任陝
州雍縣令界內婦人脩路御史彈免之頃年婦人役
脩平道路蓋其常也調露之際劉憲任懷州河內縣
尉父思立在京身亡選人有通素闕者于時選司以
名教所不容頃者以爲見譏後人矣頃年國家和市
所由以刻剝爲公雖以和市爲名而實抑奪其價殊
不知民足官孰與不足矣往年兩京及天下州縣學

生佐史里正坊正每一員闕先擬者輒十人頃年差
人以克猶致亡逸往年選司從容安閑而以禮數見
待頃年選司無復曩時接引但如仇適估道耳往年
校官交替者必儲蓄什物以待之頃年替人必喧競
爲隙互執省符紛然不已往年召募之徒人百其勇
爭以自效頃年差點勒遣逃亡相繼若此者臣粗言
之不可勝數卽知政令風化漸以弊也開元四年山
東諸州大蝗紫微令姚崇奏言臣聞毛詩云秉彼蠹
賊以付炎火又漢光武詔曰勉順時政勸督農桑去
彼螟蟻以及蠹賊此並除蝗之義也及蝗旣解飛夜
必投火臣請切勅所在夜中設火火邊掘大坑且焚

且瘞除之可盡乃遣使分道驅除瘞埋朝臣多言不可玄宗以問崇崇對曰常人執文不識通變凡事有違經合道而適權者魏時山東有蝗傷稼緣小忍不除遂使苗稼揔盡人至相食後秦時有蝗禾稼及草木俱盡牛馬至相噉毛尾今山東蝗虫所在克滿儻不救其收穫百姓豈免流離事屬安危不可膠柱縱使除之不盡猶勝養以成災若驅逐不得臣在身官爵並請削除玄宗許之黃門監盧懷慎謂崇言蝗是天災豈可制以人事外議籍籍咸以為殺蝗太多有傷和氣猶可停罷崇曰楚王吞蛭厥疾用瘳叔敖斷蛇其福乃降趙宣子至賢也恨用其犬孔宣父將聖也

不愛其羊皆志在安人思不失禮今既救人殺虫天道固應助順若因此致禍崇請以身當之懷慎更不能答崇令埋瘞之累月方盡其后漸豐熟八年天下戶口逃亡色役偽濫朝廷深以為患九年正月監察御史宇文融陳便宜奏請檢察偽濫兼逃戶及籍外贖田於是令融克使推勾獲偽勳及諸色役甚衆特加朝散大夫再遷兵部員外兼侍御史融遂奏置勸農判官長安尉裴寬等二十九人並攝御史分往天下

慕容珣王水張均宋希玉宋詢韋洽薛侃喬夢松王誘徐楚瑩徐鏐裴寬岑希逸邊仲寂景班情郭廷情元將茂劉百正王燾丁儒卿王忠翼何千里梁勛盧怡庫狄履溫賈晉李登盛俱等皆知名士判官其人於斯為盛所在檢責田疇招携戶口其新附客其後多至顯秩

戶則免其六年賦調但輕稅入官陽翟縣尉皇甫憬
左拾遺楊相如並上疏盛陳煩擾不便寬等皆當時
才彥使還得戶八十餘萬田亦稱是憬遂貶為衢州
盈川尉融拜御史中丞融又上言天下所檢責客戶
除兩州計會歸本里貫以外便令所在編附年限向滿
須准居人更合所有擾於即此輩徼倖若徵課稅即
目擊未堪竊料天下諸州不可一例處置且請從寬
鄉有贖田州作法竊計有贖田者減三四十州取其
贖田通融支給其贖地者三分請取一分以下其浮
戶請任其親戚鄉里相就每十戶以上共作一坊每
戶給五畝克宅并為造一兩口室宇開巷陌立閭伍

種桑棗築園蔬使緩急相助親隣不失丁別量給五
十畝以上為私田任其自營種率十丁於近坊更共
給一頃以為公田共令營種每丁一月役功三日計
十丁一年共得三百六十日營公田一頃不啻得之
計平收一年不減百石便納隨近州縣除役功三十
六日外更無租稅既是營田戶且免征行安堵有餘
必不流散官司每丁納收十石其粟更不別支用每
至不孰年斗別二十價然後支用計一丁年還出兩
丁以上亦與正課不殊則官收其役不為於縱人緩
其稅又得安舒倉廩日殷長久為便其狹鄉無贖地
客多者雖此法未該准式許移窄就寬不必要須留

住若寬鄉安置得所人皆悅慕則三兩年後皆可改
圖棄地盡作公田狹鄉揔移寬處倉儲既益水旱無
憂矣至十三年封泰山米斗至十三文青齊穀斗至
五文自後天下無貴物兩京米斗不至二十文麪三
十二文絹一疋二百一十二文東至宋汴西至岐州
夾路列店肆待客酒饌豐溢每店皆有驢賃客乘條
忽數十里謂之驛驢南詣荆襄北至太原范陽西至
蜀川涼府皆有店肆以供商旅遠適數千里不持寸
刃二十年戶七百八十六萬一千二百三十六口四
千五百四十三萬一千二百六十五天寶元年戶八
百三十四萬八千三百九十五口四千五百三十一

萬一千二百七十二自十三載以後安祿山爲范

節度多有進奉駝馬生口不曠旬月郡縣供熟食酒

肉草料楊國忠任用之後即與蠻王閣羅鳳結釁徵

關輔河南京兆人討之去者萬不一全連枷赴役郡

縣供食於是當路店肆多藏閉以懼撓亂驢馬車牛

悉被虜奪不酬其直數年間因漸減耗十三載京城

秋霖米價騰貴官出太倉米分爲十場出糶其所在

川谷泛溢京城坊市墻宇崩壞向盡東京漕洛文溢

隄壞飄損十九坊居人邑屋二十遣京城諸坊人

家於門前作泥人長三尺左手指天右手指地十月

方霽十四載管戶揔八百九十一萬四千七百九

不應

課戶三百五十六萬五千五百一應管口揔五千二
 課戶五百三十四萬九千二百八十
 百九十一萬九千三百九
 十萬八千三百
 百二十一
 此國家之極盛也按後漢自建武初至桓帝永壽三年凡百
 三十年有戶千六十七萬按自周武帝建德六年平齊至隋文帝開皇九年滅陳凡十四年然後車書混
 一甲兵方息至大業二年凡十八年有戶八百九十
 萬我國家自武德初至天寶末凡三百三十八年可
 以比崇漢室而人戶纔比於隋氏蓋有司不以經國
 馭遠為意法令不行所在漏隱之甚也肅宗乾元三
 年見到帳百六十九州應管戶揔百九十三萬三千
 一百三十四不課戶揔百一十七萬四千五百九十
 二課戶七十五萬八千五百八十二管口揔千六百
 九十九萬三千八百八十六不課口千四百六十一萬九
 千五百八十七課口二百三十七萬七百九十九自
 天寶十四年至乾元三年損戶揔五百九十八萬二
 千五百八十四不課戶損二百三十九萬一千九百
 九課戶損三百五十九萬六千七百七十五損口揔三千
 五百九十二萬八千七百二十三不課口損三千七
 十一萬九千三百一課口損五百二十一萬八千四百三
 十二戶至大曆中唯有百二十萬戶建中初命黜陟
 使往諸道按比戶口約都得土戶百八十餘萬客戶
 餘萬

丁中 漢 晉 宋 北齊 隋 大唐

漢孝景二年令天下男子年二十而始傅傅音附傳著也著名

籍給公家徭役 ○晉武帝平吳後有司奏男子年十六以上

至六十為正丁十五以下至十三六十以上至六十

五為次丁十二以下至六十六以上為老小不事○

宋孝武大明中王敬弘上言舊制人年十二半役十

六全役當以十三以上能自營私及公故以竟役考

之見事猶或未盡體有強弱不皆稱耳循吏恤隱可

無甚患庸愚守宰必有勤劇况值苛政豈可稱言至

今逃竄求免胎孕不育乃避罪憲實亦由茲今皇化維新四方無事役名之宜應存消息十五至十六且爲半丁十七爲全丁帝從之○北齊武成清河三年乃令男子十八以上六十五以下爲丁十六以上十七以下爲中六十六以上爲老十五以下爲小○隋文帝頒新令男女三歲以下爲黃十歲以下爲小七以下爲中十八以上爲丁以從課役六十爲老乃免開皇三年乃令人以二十一成丁煬帝即位戶口益多男子以二十二成丁高穎奏以人間課稅雖有定分年常徵納除注恒多長吏肆情文帳出沒旣無定簿難以推校乃爲輸籍之樣請徧下諸州每年正



月五日縣令巡人各隨近五黨三黨共爲一團依樣定戶上下帝從之自是姦無所容矣○大唐武德七年定令男女始生爲黃四歲爲小十六爲中二十一年爲丁六十爲老神龍元年韋皇后求媚於人上表請天下百姓年二十二成丁五十八免役制從之韋庶人誅後復舊玄宗天寶三載十二月制自今以後百姓宜以十八以上爲中男二十三以上成丁按開元二十五年戶令云諸戶主皆以家長爲之戶內有課口者爲課戶無課口者爲不課戶諸視流內九品以上官及男年二十以上老男廢疾妻妾部曲婢女奴婢皆爲不課戶無夫者爲寡妻妾餘准舊令諸年八

十及篤疾給侍一人九十二人百歲五人皆先盡子
 孫聽取先親皆先輕色無近親外取白丁者人取家
 內中男者並聽諸以子孫繼絕應折戶者非年十八
 以上不得折即所繼處有母在雖小亦聽折出諸戶
 欲折出口為戶及首附口為戶者非成丁皆不合折
 應分者不用此令諸戶計年將入丁老疾應徵免課
 役及給侍者皆縣令貌形狀以為定簿一定以後不
 須更貌若有姦欺者聽隨事貌定以附于實九年制
 天下雖三載定戶每載亦有團貌自今以後計其轉年合入
 中男成丁五十者任追團貌廣德元年制天下百姓二十五
 成丁五十五老論曰昔賢云倉廩實知禮節衣食足知榮辱

夫子適衛冉子僕曰美哉庶矣既庶矣又何加焉曰
 富之既富矣又何加焉曰教之故知國足則政康家
 足則教從反是而理者未之有也夫家足不在於逃
 稅國足不在於重斂若逃稅則不土著而人貧重斂
 則多養羸而國貧矣管子曰以正戶籍謂之養羸羸者大賈蓄家也正數之戶既避其賦役則至浮浪以大賈蓄家之所役屬自收其利也三王以前井田定賦秦
 革周制漢因秦法魏晉以降名數雖繁亦有良規不
 救時弊昔東晉之宅江南也慕容符姚迭居中土人
 無定本傷理為深遂有庚戌土斷之令財豐俗阜寔
 由於茲其後法制廢弛舊弊復起義熙之際重舉而
 行已然之效著在前志隋受周禪得戶三百六十萬

開皇九年平陳又收戶五十萬洎于大業三年干戈不用唯十八載有戶八百九十萬矣自平陳後又加四百八十餘萬

其時乘西魏喪亂周齊分據暴君慢吏賦重役勤人不堪命多依豪室禁網隳紊姦偽尤滋高穎觀流冗

之病建輸籍之法於是定其名輕其數使人知為浮客被强家收大半之賦為編氓奉公上蒙輕減之征

浮客謂避公稅依强豪作佃家也昔漢文三年除人田租荀悅論曰古者什一而稅天下之中正漢家或

百而稅一可謂至輕矣而豪强占田踰多浮客輸太半之賦公家之惠優於三代豪强之暴酷於亡秦是

惠不下通威福分於豪人也不正其本適足以資富強矣高穎設輕稅之法浮客悉自歸於編戶隋代之

盛寔由於斯先敷其信後行其令烝庶懷惠姦無所容隋氏資儲遍於天下人俗康阜穎之力焉功規蕭曹道

亞伊呂近代以來未之有也隋氏西京太倉東京嘉倉洛口倉華州永豐

倉陝州太原倉儲米粟多者千萬石少者不減數百萬石天下義倉又皆充滿京都及并州庫布帛各數

千萬而錫賚勳庸並出豐厚亦魏晉以降之未有國家貞觀中有戶三百萬

至天寶末百三十餘年纔如隋氏之數聖唐之盛邁於西漢約計天下編戶合踰元始之間而名籍所少

三百餘萬自貞觀以後加五百九十萬其時天下戶都有八百九十餘萬也漢武驥兵人戶減

半末年追悔方息征伐其後至平帝元始二年經七十餘載有戶千二百二十餘萬大唐百三十餘年中

雖時起兵戎都不至減耗而浮浪日衆版圖不收若比量漢時實合有加數約計天下人戶少猶可有千

三四百直以選賢授任多在藝文才與職乖法因事

弊隳循名責實之義闕考言詢事之道崇秩之所至

美價之所歸不無輕薄之曹浮華之伍習程典親簿



領謂之淺俗務根本去枝葉日以迂闊風流相尚奔競相驅職事委於郡胥貨賄行於公府而至此也自建中初天下編甿百三十萬賴分命黜陟重為按比收入公稅增倍而餘諸道加出百八十萬共得三百二十萬遂令賦有常規人知定制貪冒之吏莫得生姦狡猾之甿皆被其籍誠適時之令典拯弊之良圖舊制百姓供公上計丁定庸調及租

其稅戶雖兼出王公以下比之二三十分唯一耳自兵興以後經費不充於是徵歛多名且無恒數貪吏橫恣因緣為姦法令莫得檢制悉庶不知告訴其丁狡猾者即多規避或假名入仕或托跡為僧或占募軍伍或依附豪族兼諸色役萬端蠲除鈍劣者即被徵輸困竭日甚建中新令並入兩稅恒額既立加益莫由浮浪悉而使臣制置各殊或有輕重未一仍屬收規避無所而多故兵革存與浮冗之輩今則眾矣徵輸之數亦以



關矣舊額既在見人漸艱詳今日之宜酌晉隋故事版圖可增其倍徵繕自減其半賦既均一人知稅輕免流離之患益農桑之業安人濟用莫過於斯矣計諸道簿帳所收可有二百餘萬戶按歷代戶口多不過五少不過三約計天下除有兵馬多處食鹽是知見在之數若採晉隋舊典制置可得五百萬矣以五百萬戶共出二百五十萬戶稅自然各減半矣古之為理也在於周知人數乃均其事役則庶功以興國富家是教從化被風齊俗和夫然故災沴不生悖亂不起所以周官有比閭族黨州鄉縣遂之制維持其政綱紀其人孟冬司徒獻民數于王王拜而受之其敬之守之如此之重也及理道乖方版圖脫漏人如鳥獸飛走莫制家以之乏國以之貧姦宄漸興傾

覆不悟斯政之大者遠者將求理平之道非無其本

杜氏通典卷七終

杜氏通典卷第八

食貨八

錢幣上周 秦 漢 魏 晉 後漢

貨幣之興遠矣夏商以前幣為三品珠玉為上幣黃金為下幣白金為銀太公立九府圜法周景以母子相權秦用

黃金銅錢為上下二等漢興為八銖或為英錢或作

白金或作赤及八銖五分迭廢迭用王莽又設錯刀

金銀龜貝凡數十品公孫述始作鐵錢魏文帝穀帛

相質劉備以一當百孫權以一當千理道陵夷則有

鵝眼線環之別王綱解紐又有風飄水浮之異名目

繁雜不能遍舉緬徵損益可略而言原夫立錢之意